

BANCADA PARLAMENTAR DO
PARTIDO DA LIBERTAÇÃO POPULAR (PLP)
Sede do Parlamento Nacional
Rua de Formosa, Dili
Timor-Leste

Obrigada Sra. PPN

Comprimenta membros da mesa

Sua Excia Primeiro Ministro e membros do governo

Distintos Deputados/as

Povo doben Timor-Leste

Parabéns ba Kom C, ba relatorio parecer nebe kritiku tebes no alerta kestaun importante sira ligado ho despesas ba OGE 2025 nebe governo halo levantamento bot, mas laos atu finansia investimento iha kapital ba desenvolvimento infraestruturas maibe kontinua finansia despesas recorrentes, OGE bazeia ba klasifikasaun fungsional, despesas ba servicos gerais admin publica hetan 37,1%, Assuntos ekonomikos representa 26,5% no protesau social 17.9% dt, hatudu katak governo ne la prudente atu utiliza osan husi FP ba jersaun vindouras.

OGE 2025 nebe apresenta mai PN ho total osan US\$ 2.617 milhoes. Primeira vez iha historia TL nian nebe dada osan husi Fundo Petrolifero bot tebes. Ho ida neé relembra fali ami sobre pozisaun bankada CNRT nian hodi chumba OGE 2020 ho razaun katak osan nebe tau iha momento neba ho total 1.9 milhoes de dolares tempo neba boot tebes, tau em cauza ba osan iha FP no kontribui ba precipício fiscal. Momento neba, osan iha FP sei naton, hafoin tinan 4 liutiha, osan husi FP menus ba bebeik, maibe iha 2025 ita nia vontade atu habadak vida útil osan husi FP bot liutan.

Sr. PM, itabot nia governo propoin aumento orsamento 12%, ita hetene katak ita sei hasoru défise fiskal makas, tuir projesaun défise fiskal sei aumenta 42% iha 2023 ba alarmante sae ba 67,2% iha 2029. Bazeia ba previzaun mos, ita nia fundo sei esgota iha 2035.

Ami hakarak husu razaun sira atu haboot gastos sira enkuantu ita nia pozisaun fiskal prekáriu?

Timor-Leste nia ekonomia sei sai oinsa se negosiasaun ba Greater Sunrise la sai tuir buat nebe ita espekta? Tuir Ministro Petroleo e Recursos Minerais mina nia is agora to ona, nebe bainhira los mak kadoras mai TL?

Konaba projesaun kresimento ekonómiku 2025 projeta ba 4,1% to 2029 sae ba 5,4%, maibe realidade prova katak kresimentu ekonómiku médiu husi 2019 – 2023 maka 2,4% deit, kresimento ne depende makas husi despesas husi OGE nudar estímulo ba kresimentu

ekonómiku no konsumu privado, maibe espansaun iha setor privado limitado. Nunee, saida mak sai fator atu dudu kresimentu ekonomiku ida ambisiozo hare ba dezempeñu istóriku nebe iha. Kresimentu nebe lidera husi governo atual, la fo resultado sustentável sira iha pasado, tanba saida mak kontinua tuir dalan ida-neé em vez de muda ba aproximasaun foun?

Politika Front loading nia objetivo atu halo investimento iha setor Capital no infraestrutura estratéjiku sira, maibe setor produtivo sira kontinua hetan orsamento nebe la inspira atu hamenus dependensia ba fundo petrolífero iha futuro, por ezemplo setor diversifikasaun ekonomika hanesan agrikultura, pesca, turismo, komersiu no industria, hetan deit osan US\$ 45,466.094. Setor petrolífero prioridade mos, IX Governo nia politika sobre desenvolvimento GS maibe tau deit osan ho US\$ 12 milhoes, hamosu tan ami nia dúvida ba seriedade governo nian. Iha R&P Kom C nian, sublinha katak projeto explorasaun rekurso petrolífero no minerais no inisiativa konaba planeamento no investimento estratejiku mos hatudu ezekusaun kiik.

Relatóriu ida hosi *ACIL Allen Consulting*, ne'ebé submete ba Timor Gap E.P. iha 2016 kona-ba *Tasi Mane Project: Potential Implications for the Economy of Timor-Leste*, haktuir katak valór totál hosi venda produktu Projetu Tasi Mane nian mak \$81.8 billaun, ho kuaze 85% sei deriva hosi Projetu LNG iha Beaçõ, nune'e mós ho taxa interna retornu (TIR) iha pós-impostu atinji 10.7% ka \$436 millaun.

Aleinde desenvolvimento atuál ne'ebé la-reflete konteúdu hosi Relatóriu hosi Acil Allen Consultin, no espesiálmente muda proposta Planta LNG hosi Beaçõ mai iha Natarbora, PLP observa katak preparasaun kondisaun ba desenvolvimento Greater Sunrise nian la la'o tuir projesaun ne'ebé defini ona. Nunee, ha'u hakarak husu pergunta sira tuir-mai ba Governu:

1. Bainhira loos mak kadoras hosi Greater Sunrise nian mai iha Timor-Leste? Pergunta ida-ne'e pertinente atu Exelénsia Primeiru Ministru responde tanba asuntu atu lori kadoras mai Timor-Leste ne'e toka beibeik ona iha diskursu polítiku iha Timor-Leste besik tinan 20 ona. Plan B saida mak Governu prepara se kadoras la-mai Timor-Leste?
2. Bainhira mak halo estudu independente ida foun kona-ba desenvolvimento Projetu Tasi Mane nian, ho ninian *breakdown* iha kustu no projesaun retornu, inklui diskusaun kona-ba opsaun sira ne'e ho Komisaun Permanente oioin iha Parlamentu Nasionál?
3. Bainhira mak halo auditoria interna ba Projetu Tasi Mane, espesiálmente ba kazu ***Eastlog Projects Limited*** kona-ba kazu litjiu iha Tribunál Arbitrál Hong Kong relasiona ho alegada violasaun ba konstrusaun Baze Fornesimentu Suai (***Suai Supply Base***), ho responsabilidade másima **\$5.305.338,08**, hanesan haktuir iha Relatóriu ba OJE 2025?

4. Medida saida mak Governu foti kona-ba produsaun hare iha rai-laran depois haree tensaun jeopolítika sira ne'e no especialmente país esportadór foos aplika kuota importansaun, depois haree Relatóriu hosi IPC 2024 ne'ebé hatete katak 27% hosi populasau Timor-Leste sei sofre ba hamlaha ka la-iha seguransa alimentár, ho detalle **22,000** populasau iha **emerjénsia** ba ai-hán no **342,000** iha **krize** ba ai-hán?
5. Osan husi FP tinan 10 tan sei mamuk, osan nebe povo simu hanesan subsidio \$200, bolsa da mae jersaun foun atu hamenus deznutrisaun, bolsa de estudo ba ema kbiit laek halakon, osan ba cesta bazika hodi haburas povo agrikultor atu kuda no faan, IX governo halakon hotu, nunee OGE 2025 atu sustenta deit setor privado sira nebe tinan 10 ba kotuk uzufroi ona regalias barak mas sira la halo investimento ruma nebe bele absorve kampo de trabalho barak, loke dalan ba Timor-oan barak halai ba buka moris iha rai liur.

Sr. PM, itabot nia diskursu temi katak 2024 sei sai nudar tinan atu corrige tiha fragilidades no irregularidades, povo presiza hatene fragilidades no irregularidades saida deit mk itabot descobre no pretende atu corrige? Inklui PM nia deklarasaun atu halo auditoria ba VIII governo, auditoria ne lao to nebe ona? Rezultado auditoria ne atu lori ba Ministerio Publiko no tribunal ka uza ba konsumu politiku deit? Tau kulpa bebeik ba VIII governo nia sala, hanesan hahan ida karik "Sin Ona".

Obrigada!